

**ЎЗБЕКИСТОН СТАНДАРТЛАШТИРИШ, МЕТРОЛОГИЯ ВА
СЕРТИФИКАТЛАШТИРИШ АГЕНТЛИГИ
БИЛАН
ВЕНГРИЯ САВДОНИ ЛИЦЕНЗИЯЛАШ ИДОРАСИ
ЎРТАСИДА МЕТРОЛОГИЯ СОҲАСИДА
ТЕХНИК ҲАМКОРЛИК ТЎҒРИСИДА
АНГЛАШУВ МЕМОРАНДУМИ**

Ўзбекистон стандартлаштириш, метрология ва еертификатлаштириш агентлиги ва Венгрия савдони лицензиялаш идораси, бундан кейин “Томонлар” деб юритилади,

Метрология соҳасида ҳамкорликни ривожлантириш истагида,

1996 йил 21 июнда имзоланган Ўзбекистон Республикаси, бир томондан, Европа Ҳамжамиятлари ва уларга Аъзо-давлатлар, иккинчи томондан, ўртасида шерикчилик таъсис этувчи Шерикчилик ва Ҳамкорлик тўғрисида Битим қоидаларига асосланиб,

Халқаро ташкилотлар томонидан қабул қилинган меъёрлар ва стандартларидан келиб чиққан ҳолда

Қуйидагилар тўғрисида келишиб олдилар:

1 – модда

Томонлар қўшимча равишда тузиладиган Битимлар, молиявий шартномалар, баённомалар ва дастурлар доирасида алоҳида лойиҳаларни ўзаро келишилган ҳолда, қуйидаги соҳаларда ҳамкорликнинг тадбирларини амалга оширади:

- халқаро система (СИ) катталикларидаги миллий эталонларни ва ишчи эталонларнинг узатилиши такомиллаштириш;

- халқаро система (СИ) катталиклардаги миллий эталонларни солиштириш;

- метрология лабораториялари учун ускуналарни яратиш;

Метрология соҳасида эришилган етакчи малака ва тажриба билан алмашиш;

- метрология соҳасида мутахасисларни ўқитиш;

- маълумотлар, меъерий ва қонун ҳужжатлари билан алмашиш.

2 – модда

Томонлар метрология соҳасидаги халқаро ташкилотларга уларга аъзо бўлишда ва мазкур ташкилотлар фаолиятида қатнашишда бир-бирларини қўллаб-қувватлайдилар.

3 – модда

Мазкур Меморандум доирасидаги ҳамкорликнинг молиявий шартлари, Томонларнинг ўзаро келишувларига кўра амалга оширилади.

4 – модда

Томонлар, агар ҳужжатларнинг махфийлигидан Томонлардан бири хабардор қилинган бўлса, олинган ҳужжатлар ва ахборотлар ҳамда мазкур Англашув Меморандум доирасида эришилган илмий-техникавий натижаларнинг махфийлигини таъминлайдилар. Ҳар қандай маълумот учинчи Томонга махфийликни талаб қилган Томоннинг фақат ёзма розилиги билангина берилиши мумкин.

5 – модда

Мазкур Англашув Меморандумининг талаблари Томонларнинг давлатлари иштирокчилари бўлган бошқа халқаро битимлар асосида пайдо бўладиган ҳуқуқ ва мажбуриятларига дахл қилмайди.

6 – модда

Мазкур Англашув Меморандуми қоидаларини қўллаш ва талқин қилишда юзага келган келишмовчиликлар ўзаро маслаҳатлашув ва музокаралар орқали ҳал қилинади.

7 – модда

Томонларнинг ўзаро келишувларига асосан, мазкур Англашув Меморандумига унинг ажралмас қисми ҳисобланадиган, алоҳида протоколлар билан расмийлаштириладиган қўшимча ва ўзгартишлар киритилиши мумкин.

8 – модда

Мазкур Англашув Меморандуми Томонлар имзоланган кундан бошлаб кучга киради ва уч йил муддатга амал қилади. Ҳар бир Томон бошқа Томонни ёзма равишда бекор қилиш тўғрисида камида 6 ой олдин хабардор қилган ҳолда Битимни бекор қилиши мумкин.

Англашув Меморандуми Тошкент шаҳрида 2011 йил 7 ноябрда, икки асл нусхада, ҳар бири ўзбек, венгер ва инглиз тилларида тузилди.

**ЎЗБЕКИСТОН
СТАНДАРТЛАШТИРИШ,
МЕТРОЛОГИЯ ВА
СЕРТИФИКАТЛАШТИРИШ
АГЕНТЛИГИ
НОМИДАН**



**ВЕНГРИЯ САВДОНИ
ЛИЦЕНЗИЯЛАШ
ИДОРАСИ НОМИДАН**

